

INUIT ATAQATIGIIT

Inatsisartuni



UKA 2018/139
24. oktober 2018
Stine Egede

**Kalaallit Nunaanni sumiiffinni amerlasuuni unammilleqatigiinneq
amingarsinnaasartoq ataqqillugu piffissap ilaani biilinik misissuisarnissamut
siunnersuusiortussanik suleqatigiisitamik suligasuartussanik
ataatsimoorluni pilersitsinissaq kissaatigalugu danskit
Transportministereqarfiannut saaffiginnequllugit Naalackersuisut
peqquneqarnissaanik Inatsisartut aalajangiiffigissaattut siunnersuut.**

(Inatsisartunut ilaasortaq Steen Lyngge, Demokraatit)

Siullermik siunnersuuteqartoq Steen Lyngge, Demokraatit qujaffegissavara
siunnersuuteqarninnut.

Nunatsinni qamutit motorillit assigiinngitsut amerligaluttuinnavipput ingerlaartut.

Ajoraluartumik ukiorparujussuannortuni qamutit motorilinnik,
isumannaallisaanermik siunertalimmik misissuisoqarsimangilaq.

Siornatigut akuttunngitsunik misissuinerit illoqarfinni tamani
ingerlanneqartarnikuugaluarput, tamannali qallunaat nunaanni qamutinik
motorilinnik misissuinerit namminersortunngorsarneqarnerisa kingorna, nunatsinni
unilluinnarsimavoq.

Tamannalu qularnanngitsumik ilaatigut ajutoornernut peqquataasarsimassaaq.

Tamattami takusinnaasarpagut qamutit motorillit ilaatigut sannamikku
ajoquteqalersimasut, imaluunniit pujoortitsisorujussuit ingerlaartarmata.

Takusinnaangisatsinnillu aamma ajoqutillit amerlagunaqaat, soorlu bremse-mikkut,
motorimikkut ilallu ilanngullugit.

Taamaattumik siunnersuuteqartup suliakkeeqqusinera taperserparput.

Naggataatigulli eqqumiiginngitsuunngilarput, Naalackersuisut suliamik
ingerlasoqareenera oqaatigeriarlugu, suliakkiisummut akuersaarmata. Ullunimi
kingullerni ataasiarnata naammattoorparput siunnersuutinut itigartitsisoqartarnera,
suliassamik ingerlasoqareenera innersuutigalugu.

Qujanaq